

۱ شعبان ۱۳۳۲

پنجشنبه

۱۹ حیران ۱۳۳۰

تلفون ۱۰۹۷

امور اداره و تحریریه و اعلانات و سائرہ
ایچون مدیر مسئولہ مراجعت ایدملیدر .
عرفای امتک مقالات متصوفانہ ربینہ
جریدہ صوفیہ نک صحیفہ لری آچقندر .
درج ایدلیان اوراق اعادہ ایدلز .

جریدہ صوفیہ

شیمدیلک هفته ده بر نشر اولنور .

نسخہ سی ۴۰ پاره در .

ابونہ سی : برسنه لك اعتباریله ممالك عثمانیه
ایچون پشین اوله رق ۴۰ آلتی آیلنی ۲۵
غروش و ممالك اجنبیه ایچون اوزا یکی فرانتدر

محل اداره باب عالی جوارنده ابوالسعود
جاده سنده نجم استقبال مطبعه سی

تصوفی ، دینی ، اخلاقی ، ادبی ، سیاسی جریدہ اسلامیہ در .

سنه — ۲

عدد — ۹۷

۱۵

«لوائی اوسع» دیرلر نیجه بیک پیر کیلانی
 نه بسطامیلر آنده چاغریشور نغمای «سبحانی»
 «اناالحق» صیحه سی منصورلری اورده ایدر فانی
 نیجه بیک ادهمه ترك ایندیئر تخت خراسانی
 سریر «لی معاه» تختگاه احمدیتدر
 دل موسای عشقه «لن ترانی» عین رؤیتدر

۱۶

خطاب «لن ترانی» بی کوچوک کورمه بهی عاشق
 آنک تحتنددر رؤیت صفایاب اول حجابدن چیق
 کوکلدن اینجه برفکر ایت نه در منطق ، نه دیر ناطق
 سلوک اهل دل اوزره ثبات ایت صادق اول صادق
 سریر «لی معاه» تختگاه احمدیتدر
 دل موسای عشقه «لن ترانی» عین رؤیتدر

۱۷

خطاب «لن ترانی» رتبه فوق المعالیدر
 کلیمیت ، ندیمیت آنک رمزومالیدر
 نقیب ذات حق اولمش ، مخاطب ذات عالیدر
 حریم صفة اللهده بولمق نقدحالدیر
 سریر «لی معاه» تختگاه احمدیتدر
 دل موسای عشقه «لن ترانی» عین رؤیتدر

۱۸

کل ای فوزی بویولده قیل توقف یک اوزون کیتمه
 بیئلر سندن عارفدر ، جهوله نغمه اوکرتمه
 سماع «لن ترانی» دن دل عاشقی اورکوتمه
 حریم احمدیده منتظر اول شدرحل ایتمه
 سریر «لی معاه» تختگاه احمدیتدر
 دل موسای عشقه «لن ترانی» عین رؤیتدر

مصطفی فوزی

«نابیانه نعت النبی صلیا علیه وسلم»

روضه شمس ضحی قبر مکرمدر بو
 بر تو عرش خدا خاك معظمدر بو
 ملجاء نوح نجی مسکن یعقوب و خلیل
 مهبط روح مسیح قبله مریمدر بو
 بونده در شاه سریر حرم علین
 خاتم ومهر رسالتله مفعمدر بو

لطف وقهرین کوستر فیض هدی راه ضلال
 عین مجلادن تجلی هم جمال و هم جلال
 ملک آنک مالک آنک بیوده در هب قیل وقال
 حق عالینسند (نجونلر) اولماز در میان
 قوللرک معبوده یوقدر ذره مانسبتی
 بروجود واجبک معدومه اولماز حاجتی !
 بزکمز (الله) کیم ! حیرت بوفکرک غایتی !
 جان آنک ، اکوان ، آنک فرمان انکدر بیکمان !

رجب وحی

نغمه (لن ترانی) دن مابعد

۱۱

کل اوکرن سر توحیدی قلوب اهل معادن
 بودهرک رازنی ترك ایت نه اوکرنکدک معادن
 صور آکلا درس توحیدی خفای سر موسادن
 کلیم اولان ادنا دکدر طورسینادن
 سریر (لی معاه) تختگاه احمدیتدر
 دل موسای عشقه (لن ترانی) عین رؤیتدر

۱۲

یدبضای مرشددن محبت جامنی نوش ایت
 آلوب فیض هویت عرش دلدن عشقه کل جوش ایت
 خطاب (لن ترانی) به بتون اعصابکی کوش ایت
 ایشینده (لن ترانی) بی جهانی مست ومدهوش ایت
 سریر (لی معاه) تختگاه احمدیتدر
 دل موسای عشقه (لن ترانی) عین رؤیتدر

۱۳

اووقو کچ حکمت دهری بودرسده قالمه سن ابتر
 بوکا حکمت یتشمز نورعشق وشوق وذوق ایستر
 تجلیزار موسی اول عصای جذبه کی کوستر
 زمین عشق وجدانی سمای سدره دن برتر
 سریر «لی معاه» تختگاه احمدیتدر
 دل موسای عشقه «لن ترانی» عین رؤیتدر

۱۴

بتون اشیا «اناالحق» چاغریشور حقک لسانندن
 آنک توحیدنی سویلر زمینندن ، زمانندن
 ظهور آنک ظهوریدر مکان ولامکانندن
 ینه حیرته در عاشق بوسرک طوروشانندن
 سریر «لی معاه» تختگاه احمدیتدر
 دل موسای عشقه «لن ترانی» عین رؤیتدر

روح مطلق نسق آرای وجود آدم
ایدی حق سبب خلقت عالمدر بو
محیی ملک ازل ممضی منشور قدم
ذات و معنای الوهیت محرمدر بو

هر سهام غرض واصل مرقات مرام
قاب قوسین او اداده مکلمدر بو
جمله ارواح رسل بوندن آلیز فیض شهود
انیا موکبه سرور اگر مدر بو

روح پاکه صلات ایله سلام ایله فرید
اغلا آه ایتکه منامشه اعظمدر بو
لعل کون ایلیه رک اشک ترم اغلام آه
روضه پاکه چون تحفه شهیدمر بو

درسم سنجایی مدعی عمومیسی
خرپون

احمد فرید

اون ایکی باب طریقت نسبتدن رونما
خاتم پیران عزتدر جناب نقشبند
منهای سدره قاف خفادر لانه سی
مرغ عنقای هویتدر جناب نقشبند
عرشه اولی ده صف اولک شهبازیدر
حامل سر امانتدر جناب نقشبند
بن کبی بر ابکمی بلبل کبی انطاق ایدر
اویله عال العال همتدر جناب نقشبند
رابطه ایتدکجه شاهه بویله یوز بیک سویلرم
نطق « ما اوحی » حیرتدر جناب نقشبند
تا صباح حشره دک طورمام اگر جهد ایلسهم
دلده مقناطیس وحدتدر جناب نقشبند
شاه بها الدین نقشیدر شهنشاه بطون
فوزیا عشاقه رحمتدر جناب نقشبند

فاتح : مصطفی فوزی

اعتماد اولنوب اولنمایان احوال

وجد : شهوددن غایب و قلبه مصادف اولان خاله وجد دیرلر.
وجدہ اعتماد اولنور ، لکن تواجدہ اولنماز

خاطر: اوکاهجس ده دینور، معتمد علیہ اولوب خاطر تانی و ثالث ودها
زیاده به اعتماد اولنماز. ذات روح مدبرک صورہ تنده اولان تجلی به اعتماد اولنماز.
منتظر اولان دارده اعتماد اولنماز ، عالمک مساویسنه اطلاع معمول
علیه دکلد ، سنک نفسنده غیرک محبتی انتاج ایدن حاله اعتماد اولنماز
صور مقیده ده اولان تجلی معنوی به اعتماد اولنماز، اکبر رجلاک اظهار
کشف خاطر مدنه اعتماد اولنماز اشیانک جناب الہی شیک مداوم اولدیفک
ذکر کبی ذا کرہ اوله رق وقوع بولان کشفه اعتماد اولنماز، شریعت
متواترہ به مخالف اوله رق القاء بالقاء یاخود کتابت طریقہ بر حقیقتہ
موصل اولان کشفه اعتماد اولنماز خطا ایسه مکشفک او صورتده
کندنده اظهار ایتدیکی علمی زعمنجه تأویلنده واقعدر .

هر علم حقیقت که شرع شریفده او حقیقتی رد ایچون بر حکم
یوقدر اوصیحدر، وا کر شرع شریفده او علم حقیقتی رده دائر حکم
واردر صحیح دکلد .

مخالفاتده حقندن سماع اگر سامع او سماع خطاب ابتلا اولیه رق
کمدیکی بیلیمزسه بو سماعه اعتماد اولنماز خلق عین حق جامع ایله
وتسلیم ایدرک وقوعه کلان نظر معتبر دکلد مخالفاتی استحصا ابیله
برابر خرق عوائد و مزید فوائد اعتماد اولنماز .

الحان و نعمات لذیذہ نک سماعنده حاصل اولوبده نعماتک انقطاعنده
سکون بولان حرکتہ اعتماد اولنماز .

اشیاده حقندن سماعه عارف اولان اعتماد ایتمز .

اکبر رجال ایکی یا دهها زیاده نفسنده بر حالده اقامته اعتماد ایتمز

حضرت شاه نقشبند

رمز قرآن شریعتدر جناب نقشبند

مصحف علم طریقتدر جناب نقشبند

آندهدر فیض هدایت ، آندهدر نور خدا

نقش عرفان حقیقتدر جناب نقشبند

صلب معنای بطونندن کلورلر اصغیا

آدم سر ایتدر جناب نقشبند

موج دریای بلا نزدنده کتر قطره در

نوح طوفان جلالدر جناب نقشبند

نار نمرود هوا نوریله در برد و سلام

شمس خلوتکاه خلندر جناب نقشبند

زیر پاینده غباردر قلم بحر فنا

خوش کلیم طور نسبتدر جناب نقشبند

نیجه بیک دل مرده بی پاینده احیا ایلدی

روح قدسی فیض و حکمتدر جناب نقشبند

نیجه یوز بیک ادهمی شاه خراسان ایلدی

شول سلیمان حکومتدر جناب نقشبند

قرب « او ادنا » به آندن درس آلور ارباب دل

شرح متن احمدیتدر جناب نقشبند

برده دار باب لطفیدر قطبلر شهسز

مظهر هر اکلیتدر جناب نقشبند

وصف شاننده آنک تخصیص قطیبت نهدر !

ملجأ اغواث امتدر جناب نقشبند